

МАНА ДААЛГЪВР

КПСС-н Централън Комитетин дуудврт мана орн-нутгин олн зүсн эдл-ахун ик диилвр-мүд келгдджәнә. Эн дуудв-риг мана танъгъчин күч-көл-счнр, хөөчнр болн малчнр седклин ик байртагъар тосв.

Мана орн-нутгин олн келн-ämtнә мал-герин өслт, бәәхтә, байрта джиргълин бәәдл чигн эн дуудврт үзүлгддж, түүнд мана диилврмүдин хув йовна, — гидж Западн района 112 номертә совхозин ах хөөч С. Ф. Иванников келнә. Эн хөөчин бригад 100 хөн болгънас 130 хургъ, хөн болгънас 6 килограмм ноос авх болдж даалгъвр авб.

Ах хөөч Иванниковин отарт 853 нәәднр хөн эн үвл хургълхмн. Энүг сән үзмдж-тәгъәр күцәхд, шин төрсн хургъта хөл бәрдж, хәләдж өскх дулан хаша-хаацан цаг-тнь, эврәннь чидләр эдн ясв. Сакманщикүдтәгъән күүндвр кедж, эн бригадин хөөчнр цуг хөөдән болн хургъдан үвләс әмд-менд авч гархин төлә зүткдж йовцхана.

Эн совхозин механизатор-муд чигн бас үзмджтә көдл-мш кедж үзүлджәцхәнә. Ясврт, зурагъар орх трактор-мудан болн тракторн плугму-дан бүклднь күцәдж гаргъв.

СССР-н Деед Советин сунъгъвр уктдж, хаврин тәрә тәрлгәнә машид, өвс хадл-гъна болн нань чигн селәнә эдл-ахун олн зүсн машидин ясвриг, цагаснь өмн, март сарин 16 күртл төгсәх болдж механизатормуд даалгъвр авц-хав.

С. ЛЬВОВ.